

欽定中樞政考

欽定中樞政考目錄卷之二十四

八旗

雜犯

拏獲賭具

失察賭具

失察賭具分別前任後任處分

捏稱協拏

步軍營失察賭博賭具

盛京等處失察賭博賭具

官員賭博

拏獲官員賭博

兵役閒散賭博

失察內府王府人等賭具賭博

失察家人及屯莊人賭具賭博

官兵諱縱賭博

步軍營兵丁窩庇局賭

鴿鶉等項賭鬪

禁開設鴿廐賭錢

旗人毆死該管官

私家事務該管官毋庸議處

奴僕毆辱官員

兵丁閒散傷斃人命

拏獲擅動金刃人犯議敘

遣犯殺傷人命

頂替該班毆斃人命

威逼人命

毆死奴僕

欽定四庫全書  
卷三十四  
駐防官員責斃兵丁

京城內街道人命

步軍營兵丁受賄私埋人命

步軍營失察移屍

八旗察哈爾緝拏兇犯

蒙古命案

東三省駐防命案

東三省駐防承緝在逃兇犯

接緝在逃兇犯

東三省駐防承審雜犯限期

東三省駐防承審遲延

命盜案件詳報遲延

## 拏獲賭具

一旗人造賣賭具

如銅錫寶盒印板紙牌骨骰等項均作賭具論

該管

官能首先訪拏者准其加一級協緝之員紀

錄一次如係文員首緝旗員協拏或旗員首

緝文員協拏止准一員首先一員協拏分別

給予議敘其拏獲之賭具造自別處者將別

處失察官議處本處拏獲官議敘如有造賣

賭具之人該管官失於覺察經該管上司及

該管大臣拏獲者將該管官仍行議處

例載處分

則例雜  
犯門 拏獲之該管上司等卽照該管官例

議敘此等議敘各官俱由承審衙門於題本

內聲明移咨兵部議敘



失察賭具

一八旗內外官員兵役及佐領下正戶人等有製造賭具及描畫紙牌者將失察之佐領防禦驍騎校正副叅領協領城守尉總管防守

尉將軍都統副都統均照例分別議處

例載處分

則例雜犯門

以上族長領催均照驍騎校處分

別辦理

族長係官議處係兵丁折鞭責

若由別衙門及別旗

官員拏獲其失察之該管都統副都統叅領

佐領驍騎校等官仍行議處外省駐防官員

失察賭具均照此例辦理

失察賭具分別前任後任處分

後任官拏獲造賣賭具之人查明前任官如有失察仍將原失察之員議處拏獲之後任官因賭博發覺究出現造賭具或舊存牌板俱准予議敘如新任署任官拏獲賭具或迴護前官捏詳並未失察一經查出除該員不准議敘外仍照例議處若上司未經查出者均照例覈議

例載處分則  
例雜犯門

已經查出者免議

捏稱協拏

一旗員協同拏獲賭具將協拏緣由申報該上司轉報該管大臣查覈得實卽於題咨內聲明若並未協拏捏稱協拏將捏飾之員并該管上司及該管大臣各照例分別公私議處

例載處分則  
例雜犯門

步軍營失察賭博賭具

一在京步軍營官員各有分管地方如有失察賭博及失察存留賭具或經旬累月賭博不能計算次數者各照例分別議處

例載處分則例雜犯

門係自行拏獲者俱免議

盛京等處失察賭博賭具

一

盛京等處地方並無綠營武職其駐防旗員卽有  
稽察地方之責如有失察賭博及失察舊存  
賭具或經旬累月賭博不能計算次數者將  
旗界官各照例分別議處  
例載處分則自行  
例雜犯門  
拏獲者免議

官員賭博

一官員賭博及開場容留賭博併上司與屬員賭博者均叅革治罪凡稽察屬員賭博將佐領防禦驍騎校等官責之叅領副叅領協領城守尉總管防守尉等將叅領副叅領協領城守尉總管防守尉等官責之將軍都統副都統等如明知屬員賭博不行揭叅或僅止失於覺察者將該專責之員照例分別議處如旗員在行走之該衙門及該班處賭博者

卽將該處失察之該管上司照例議處

例載處分

則例雜 本旗該管各官均免其察議如係自

行查出揭叅者亦均免其察議



拏獲官員賭博

一官員賭博經刑部審實係旗員拏獲者將首  
先拏獲之員每一次紀錄一次如係番役拏  
獲者將步軍統領總兵每一次紀錄一次拏  
獲數次者按次遞加

兵役閒散賭博

一 兵役犯賭將失察之本管佐領防禦驍騎校

本管叅領副叅領協領城守尉總管防守尉

本管將軍都統副都統等各分別次數照例

議處如係經旬累月不能計算次數者將失

察之本管各官照例統計議處

例載處分則例雜犯門

以上領催族長等均照驍騎校處分分別辦

理

族長係官議處係兵丁折鞭責

一 旗下閒散有犯賭博及開場容留賭博等事

將失察之本管佐領防禦驍騎校本管叅領  
副叅領協領城守尉總管防守尉本管將軍  
都統副都統等各分別次數照例議處如係  
經旬累月不能計算次數者將失察之本管  
各官照例統計議處例載處分則以上族長  
領催照驍騎校處分分別辦理族長係官議處係兵丁折  
責鞭

一兵役人等差遣在外或在該班當差處有犯  
賭博者將帶領出差及該班當差各官均照

佐領例處分領催照佐領下領催例處分

載例

處分則例 本旗該管官均免其查議

雜犯門

失察內府王府人等賭具賭博

一內府王府人等製造賭具及描畫紙牌者將失察之管領副管領及包衣叅領佐領驍騎校領催族長等照旗下叅領佐領驍騎校領催族長失察之例分別辦理內務府總管王府長史司儀長照都統副都統失察之例辦理

理

例載處分則  
例雜犯門

該旗各官免議

一內府王府包衣佐領下人有犯賭博者該管領副管領包衣叅領佐領驍騎校領催族長

亦照旗下叅領佐領驍騎校領催族長失察

之例辦理

例載處分則  
例雜犯門

該旗各官免議

失察家人及屯莊人賭具賭博

一旗下家人有犯製造賭具及描畫紙牌者將

伊家主照例分別議處該管各官免議其有

家人在屯莊居住造賣賭具者將失察之屯

領催守堡照在京驍騎校處分分別折責家

主在屯居住照例議處

例載處分則  
例雜犯門

在京居

住者免其查議其在京該管官亦免其查議

一旗下家人犯賭其主係官照例議處係平人

折責該管官免議在屯居住之家人犯賭者

將屯領催守堡照在京驍騎校處分分別折  
責在京該管官免議其家人在屯犯賭家主  
在屯居住者仍照例議處例載處分則在京  
居住者免議例雜犯門



官兵諱縱賭博

一凡有查拏賭博之責明知賭博不行查拏代爲隱諱者係官議處係兵丁鞭責失察官員之該管上司及失察兵丁之專管官均照例

分別覈議

例載處分則  
例雜犯門

步軍營兵丁窩庇局賭

一八旗步營地方如有匪徒開局誘賭該管地面兵丁受賄窩庇不行查拏者別經發覺將兵丁革退該管步軍校及協尉副尉均照例分別議處

例載處分則例雜犯門

如自行查出究辦者

免議

鶴鶉等項賭鬪

一凡官兵閒散人等開鶴鶉圈鬪鷄坑蟋蟀盆  
并賭鬪者照開局賭博例治罪其該管各官  
亦照失察官兵閒散賭博之例分別議處  
處分則例  
雜犯門

載例

禁開設鴿廠賭錢

一操演射鴿子者准其演射外倘有設鴿開廠  
賭錢抽頭之人卽行查拏交部照開場賭錢  
律治罪其失察之該管各官亦照失察賭博  
之例辦理

例載處分則  
例雜犯門

旗人毆死該管官

一八旗兵丁並無私讐別故因公事教訓將該

管官致死或記讐殺死或因公挾讐致傷該

管官者將該佐領驍騎校叅領副叅領都統

副都統各照例分別議處

例載處分則例雜犯門

以上

族長領催均照驍騎校處分分別辦理

族長係官

議處係兵丁折鞭責

如係前鋒護軍步軍有犯將前鋒

統領護軍統領步軍統領總兵翼尉照都統

副都統例議處營總前鋒叅領前鋒侍衛護

軍叅領副護軍叅領步軍協尉副尉照叅領  
例議處前鋒校護軍校步軍校與佐領驍騎  
校一併議處族長領催各分別鞭責其本旗  
都統叅領等俱免議

一閒散人等並無私讐別故因公事教訓將該  
管官致死或記讐殺死或因公挾讐致傷該  
管官者將佐領驍騎校并叅領副叅領及都  
統副都統各照例分別議處

例載處分則以  
例雜犯門

上族長領催均照驍騎校處分分別辦理

係官議處係  
兵丁折鞭責

一外省駐防兵丁閒散有致死致傷該管官者  
該將軍都統副都統照在京都統例議處協  
領叅領總管城守尉防守尉照在京叅領例  
議處佐領防禦驍騎校照在京佐領例議處

例載處分則  
例雜犯門

私家事務該管官毋庸議處

嘉慶二十三年五月內奉

旨健銳營前鋒穆圖杭阿毆傷伊父一案該管大臣請將該翼長章京等交部議處奏上時朕當諭令兵部查例具奏茲據該部查明旗營及各省駐防遇有蔑倫之案該管官例無處分並查地方蔑倫案件府州縣等亦無議處定例官員於所屬旗民失誤公事不能約束訓誡自應加以懲處若旗民私家事務該管官安能一一查及卽謂翼長等有管教兵丁之責亦



斷無慮及其毆辱父母豫爲教誡者該管大臣未能  
區別公私但以一經叅處自占地步於事理殊未允  
協所有穆圖杭阿該管翼長章京等俱著免其議處  
嗣後遇有此等事件均無庸將該管官奏請交議欽

此

奴僕毆辱官員

一旗員家下奴僕有犯毆辱職官者除治罪外

約束不嚴之家主係官照例議處

例載處分則例雜犯

門

兵丁閒散傷斃人命

一八旗領催甲兵傷斃人命或一時傷斃三四  
命以上者將該佐領驍騎校并叅領副叅領  
及都統副都統等各照例分別議處如前鋒  
護軍步軍有犯將前鋒統領護軍統領步軍  
統領總兵翼尉照都統副都統例議處營總  
前鋒叅領前鋒侍衛護軍叅領副護軍叅領  
步軍協尉副尉照叅領例議處前鋒校護軍  
校步軍校照佐領驍騎校例議處其本旗佐

領驍騎校仍照例處分

例載處分則例雜犯門

該旗都

統叅領等均免議族長領催均照驍騎校處

分分別辦理

族長係官議處係兵丁折鞭責

若兵丁於因公

差遣之處傷斃人命將領去之官員大臣照

在京之該管官員大臣例議處在京該管官

免議外省駐防亦照此例行

一八旗閒散傷斃人命或一時傷斃三四命以

上者將佐領驍騎校叅領副叅領都統副都

統各照例分別議處

例載處分則例雜犯門

族長領催

照驍騎校處分分別辦理

族長係官議處  
係兵丁折鞭責若

家奴傷斃人命家主係官照閒散之該管官  
例議處係平人折鞭責該管官免議外省駐  
防亦照此例行

一 包衣佐領及管領下兵丁閒散人等有傷斃  
人命者該管大臣官員俱照前例議處其在  
屯居住旗人傷斃人命將屯領催照例鞭責  
例載處分則在京該管官免議  
例雜犯門

拏獲擅動金刃人犯議敘

一佐領驍騎校果能嚴查該管人等將擅動金刃人犯拏獲五次者該旗奏

聞准其紀錄一次

遣犯殺傷人命

一發遣新疆駐防爲奴當差人犯逞兇斃命將

約束不嚴之該管官及兼轄協領統轄大臣

照例分別議處

例載處分則  
例雜犯門

領催照例鞭責

家主係官照該管官例議處無職人照領催

例鞭責

頂替該班毆斃人命

一八旗兵丁私寬閒散人等頂替該班因而毆斃人命者除該兵及毆斃人命之犯照例治罪外將失於稽查之該管兼轄各官分別議

處

例載處分則  
例雜犯門



威逼人命

一內外旗員因事威逼人致死者叅革計事論  
罪失察子弟威逼人致死者照例議處如係  
家人有犯失察之本官亦照例處分例載處  
分則例

雜犯  
門

毆死奴僕

一官員有奴僕違犯教令依法決罰邂逅致死  
及過失殺者仍照律勿論外若雖非故殺而  
責打不依法身死者及故意毆殺者或持刃  
殺死者或家主將奴僕之妻妾行占奪及圖  
姦僕婦不遂毒毆致死審明如有確據及本  
主自認不諱者或將奴僕打死隱瞞不行報  
部者或私用夾拶奴僕不致死及已致死者  
或用力背打奴僕不致死及已致死者或將

贖身及放出奴僕并奴僕之子女故意毆殺  
或並非故意毆殺者均各照例分別議處治  
罪其將伊族中家奴故意毆殺及非故意毆  
殺者亦照例分別處分例載處分則俱追人  
例雜犯門  
一口給付死者之主若持刃殺死者察革治  
罪俱以私罪論

駐防官員責斃兵丁

一旗員所屬兵丁遇有過失應鞭責而違例用

板責打未致死者將該管官照例議處

例載處分

則例雜犯門

一兵丁犯應鞭責過失該管官違例用板責打

以致負痛憤激自盡者該管官及失於約束

之兼轄上司均照例分別議處

例載處分別例雜犯門

一兵丁酗酒滋事不服管教該管官任性疊次

責打因傷致死者該管官及失於約束之兼

轄上司均照例分別議處

例雜犯門

一兵丁犯法不移送有司審辦該管官挾嫌責

打致死者叅革提問兼轄上司失於約束或

查出卽行揭報者各照例分別覈議

例載處分則例

雜犯門

京城內街道人命

一步軍校等所管汛地內有路斃人命將情由

開明具報刑部如不將情由申報者照例議

處

例載處分則  
例雜犯門

步軍營兵丁受賄私埋人命

一八旗步軍營所管地方私埋人命該汛地方  
兵丁徇私受賄隱匿不報者別經發覺將兵  
丁革退交刑部治罪其私埋人命訊係謀害  
律應擬抵或訊無謀害情事因屍主願免報  
官因而賄囑兵丁私埋者將失於查出之該  
管地方官照例分別議處

例載處分則  
例雜犯門

步軍營失察移屍

一八旗步軍營所管地方有路斃屍身居民畏  
累私行挪移者將失察之該管地方官議處  
如兵丁明知移屍希圖推卸隱匿不報或兵  
丁受賄將因傷致死屍身私移匿報者兵丁  
照例分別責革治罪失察之該管地方官及  
兼轄上司照例分別議處如兵丁在於堆撥  
處所逞兇謀害人命復將屍身移往別處者  
除兵丁照例究辦外該管地方官及兼管上



司并統轄大臣均分別覈議如在該班處所斃命移屍將該管值班官員並失於查拏之該管地方官及兼管上司均照例處分

例載處分

則例雜犯門

八旗察哈爾緝拏兇犯

一八旗察哈爾官員承緝在逃兇犯不力照內地無墩鋪防兵例以事發之日起勒限六個月緝拏限滿不獲該都統等查叅送部將承

緝官按計叅限分別議處

例載處分則  
例緝捕門

一八旗察哈爾官員接緝前官未獲兇犯照內

地接緝之例辦理

例載處分則  
例緝捕門

蒙古命案

一察哈爾都統副都統太僕寺牧廠總管

上駟院慶豐司牧廠所屬蒙古有犯命案查叅到

日俱照八旗滿洲官兵閒散傷斃人命例議

處

例載處分則  
例雜犯門

東三省駐防命案

盛京各城旗民有犯命案該旗民官員訪知確實  
一面行文關會一面差役持票徑行拘拏如  
民員行文關會該旗員有心牽制不卽添差  
協拏致兇犯遠逸照例議處屯領催不協力  
擒拏致令脫逃者照例鞭責如係受財放縱  
交

盛京刑部治罪其旗員該管地方有殺死人命不

行申報將該管官分別知情不知情議處該  
管上司俱免議如城守尉等隱匿不行揭報  
將城守尉等并失於查叅之將軍副都統各  
照例處分若城守尉等不知情失於覺察者  
分別同城及不同城在百里內外議處例載處分  
則例雜該將軍於題叅疏內將該上司知情  
不知情并是否同城百里內外詳細聲明以  
憑查議如該管官於命案先因不知不報後  
卽自行查出通報將本案審明者不論年月

遠近俱免其查議吉林黑龍江駐防旗員亦  
照此例行

東三省駐防承緝在逃兇犯

一

盛京吉林黑龍江地方遇有命案兇犯在逃承

旗員扣限查叅將承緝官員照例按計叅

分別議處若兇犯隱匿本境該管官知情

隱不行拏究別經發覺將容隱之官照例

分

例載處分則  
例緝捕門

不知情者免議

一卑幼擅殺期功尊長屬下人毆死本管官奴

婢故殺家長并殺死三命四命之重罪兇犯

脫逃承緝官照例按計叅限分別議處

例議處分

則例緝

捕門



接緝在逃兇犯

一命案兇犯在逃未獲承緝官離任接任官按其初叅限內到任接緝或初叅限外到任接緝照例分別勒限議處若重罪兇犯在逃承緝官未屆三叅離任或接緝官未屆二叅復因事故離任者接緝官與再接緝官亦各照例勒限分別議處

例載處分則  
例緝捕門

一旗員接緝命案兇犯能於一年限內拏獲一案首犯者紀錄一次一案之內首從全行拏

獲准其紀錄二次若能拏獲隣境正兇於審  
明結案後隨招附請議敘拏獲一名者紀錄  
一次拏獲二名者紀錄二次拏獲三名者紀  
錄三次拏獲四名以上者加一級

東三省駐防承審雜犯刑期

一 吉林黑龍江駐防承審

欽部事件雜犯勒限四個月命案勒限六個月其四個月限者成招定擬之三分限兩個月審解城守尉該城守尉等分限二十日解副都統該管副都統分限二十日解將軍該將軍分限二十日咨題完結六個月限者成招定擬之員分限三個月審解城守尉該城守尉等分限一個月解副都統該管副都統分限一

木正三 卷二  
個月解將軍該將軍分限一個月咨題完結  
如不由副都統覈轉者將副都統限期扣裁  
自理詞訟勒限二十日完結其接審官分限  
照承審官例倘有逾限將遲延之員查叅至  
盛京駐防照奉天府例限兩月內審解

盛京刑部辦理其自理詞訟限期照吉林黑龍江  
駐防例行

盛京駐防週

盛京刑部提訊人犯同城限十五日查送在外城  
者扣除程限限二十日查送如有稽延徇庇  
等情查叅分別辦理

東三省駐防承審遲延

盛京吉林黑龍江駐防官員審擬命盜案件招解

遲延如逾限不及一月及一月以上者均照

例分別議處

例載處分則  
例限期門

承審未完接審官

承辦遲延亦照此例辦理

命盜案件詳報遲延

一東三省命盜案件詳報遲延將專管兼轄各

官均按其遲延月日多寡照例分別議處

例載

處分則例

限期門

欽定中樞政考目錄卷之二十五

八旗

雜犯

前鋒護軍親軍領催逃走

八旗兵丁逃走隱匿不報

八旗兵丁逃走

苦累兵丁逃走

在京旗人逃走

旗下家人逃走



逃走家人投回咨部

隨圍逃走

駐防兵丁閒散逃走

失察駐防逃兵

移住拉林阿勒楚喀人等脫逃

伊犁等處兵丁逃走

新疆兵丁脫逃

藏匿逃犯

駐防窩逃

冒認逃人

私拏逃人

分賞爲奴罪人

分賞駐防爲奴人犯

發遣爲奴重犯不准賞給兵丁

分賞王公爲奴教匪案內緣坐人犯逃走加

重議處

分賞王公大臣爲奴人犯逃走

甘肅回民犯事分賞爲奴脫逃

王公家人犯罪脫逃

分賞爲奴人犯私相易主并滋事處分

回民犯事發遣在配脫逃

發遣人犯逃走並逃後滋事

發遣太監逃走

發遣額魯特等犯逃走

嚴緝新疆逃遣年終彙奏

新疆改發駐防遣犯脫逃

嚴緝新疆逃遣

新疆失察逃犯經過潛匿處分

免死減等發往駐防當差遣犯私逃

遣犯逃走嚴行緝拏

送部發落人犯脫逃

發遣吉林黑龍江積匪猾賊脫逃

看守柳號人犯脫逃

失察逃番

軍流等犯潛回原籍不行查拏

八旗察哈爾容流無票民人

步軍校等獲逃議敘

伊犁官員失察逃犯議處拏獲議敘

新疆爲奴人犯一年並無逃走官員議敘

拏獲薊境逃遣人犯

拏獲軍流徒犯議敘

前鋒護軍親軍領催逃走

八旗前鋒護軍親軍領催逃走該旗營將逃走情由奏

聞交部通行緝拏治罪其管束不嚴之該管官照例

議處

例載處分則  
例緝逃門

八旗兵丁逃走隱匿不報

道光三年四月內奉

旨正藍旗滿洲都統索特那木多布齋等叅奏膽錄  
官麟和逃後該族長等並未呈報請將該管印務  
叅領等交部分別議處一摺膽錄官麟和逃後該  
族長等理宜卽行呈報甲喇各處嚴加查拏今勒  
爾精額係本佐領驍騎校兼放長有意偏袒伊子  
將逃走之處隱匿四月並未呈報實屬非是勒爾  
精額著交部嚴加議處失察之印務叅領文光副

叅領富紳交部叅議佐領常明保交部議處麟和  
身兼候補膳錄官及披甲差使一併革退餘依議  
將此通諭八旗滿洲蒙古漢軍嗣後該管兵丁逃  
走該族長等卽時呈報叅佐領等者行刑部等處  
嚴拏儻再有此項逃犯隱匿不報者別經查出叅  
奏覈計逃走日期將該管官加等治罪決不寬貸  
欽此



八旗兵丁逃走

一八旗另戶兵丁聞散逃走及十六歲以上失  
迷在逃人等在京者限五日二百里以內者  
限十日四百里以內者限十五日由該佐領  
驍騎校等將逃失日期姓名年貌服色由何  
處逃失及有無攜帶軍器之處開明申報都  
統等咨部通行緝拏

一兵丁逃走該管佐領驍騎校不於限內投遞  
逃牌或竟遺漏不遞及逃人投回不銷逃檔

或將逃走捏報病故或並未逃走捏報逃走  
投遞逃牌或將姓名月日錯寫投遞或將遞  
過逃牌之人謊稱不曾逃走者均照例分別  
議處若該管官隱匿不報按其隱匿年月分  
別議處失於查察之該管官亦照例處分其  
族長父兄遺漏隱匿捏報錯報者係官照佐  
領例議處係平人照例折鞭責發落

例載處  
分則例

緝逃  
門

苦累兵丁逃走

一該管官苦累兵丁以致逃走者該管官及該

管上司該管大臣均照例分別議處

例載處分則例

緝逃門

在京旗人逃走

一凡另戶旗人逃走無論滿洲蒙古漢軍初次  
逃走被獲者鞭一百一年內投回免罪一年  
以外投回鞭六十二次逃走被獲者枷號一  
個月鞭一百六個月內投回免罪六個月以  
外投回鞭八十三次逃走被獲者發黑龍江  
等處當差三個月內投回免罪三個月以外  
投回鞭一百投回三次後復逃者雖自行投  
回不論年月卽照初次逃走例鞭一百交旗

管束仍俱准其挑補差使其罪應發遣者到  
配後如果安靜守法亦卽准其挑補差使以  
資養贍

旗下家人逃走

一旗下家人逃走由家主呈報本佐領及驍騎校等將逃走日期姓名年貌服色由何處逃走及初次二次三次并有無攜帶軍器之處開明申報該都統等於五日內報部如已經投回者亦將銷檔之處於五日內報部

一旗下家人逃走本主限五日內投遞逃牌若不於限內投遞逃牌或竟遺漏不遞及逃人投回不報明銷檔或隱匿不報或將逃走捏

報病故或並未逃走捏報逃走投遞逃牌或將姓名月日錯寫投遞或將遞過逃牌之人誑稱不曾逃走者係官各照例分別議處例載處分則例緝逃門係平人折鞭責至本主已遞逃牌而領催遺漏不遞者領催亦鞭責

逃走家人投回咨部

一旗下家人逃走後自行投回該旗將逃走次數月日多寡及在外有無爲匪之處分晰咨部其初次逃走一年以內投回二次逃走六個月以內投回三次逃走三個月以內投回并年在十五歲以下六十歲以上者均免其解部治罪於文內聲明圈銷逃檔其由各處拏獲及限外投回應行治罪之犯該旗將人文一併送部如有患病事故不能解部者該



佐領出具保結咨明俟該犯病痊之日再行

解部治罪

隨圍逃走

一隨圍人等逃走各該旗照例應行叅奏者叅  
奏交部治罪兵丁執事人內查係另戶發往  
黑龍江折挫使令若係戶下發遣黑龍江給  
與兵丁爲奴所領官馬盤費及借支銀兩照  
數追繳

駐防兵丁聞散逃走

一各處駐防兵丁聞散人等逃走該佐領防禦  
管步軍章京驍騎校等於三日以內卽將逃  
走日期姓名年貌服色由何處逃走及逃走  
次數有無攜帶軍器之處呈明該大臣咨報  
部旗并通行沿途有駐防處所以及附近省  
分一體查拏有拏獲及自行投回者俱照在  
京旗人之例分別次數辦理其沿途窩逃人  
等及失察各官俱交部照例辦理

例載處分  
則例緝逃

失察駐防逃兵

一各省駐防兵丁逃走至三名者將該管佐領防禦驍騎校議處至五名者將協領叅領城守尉總管防守尉一併議處至十名者將軍都統副都統一併議處

例載處分則  
例緝逃門

如有逃

兵卽將係何員名下逃兵報部均令該管大臣詳記檔案無論年分俟扣滿名數卽將該管各官職名送部議處

一逃兵未及名數其記檔之犯於一年限內投

回及自行拏獲者准將記檔之處扣除若已  
及三名五名十名之數者卽將應議職名送  
部不得再俟一年限滿始行送部如有逃兵  
已滿名數仍藉詞未滿一年之限遲不送部

者照例議處

例載處分則  
例緝逃門

一駐防閒散逃走該管大臣每歲十月將一年  
內脫逃數目造冊咨報刑部彙奏交部覈議  
若一年內逃走至五名者將該佐領防禦驍  
騎校各照例議處至十名者將該佐領等并

協領叅領城守尉總管防守尉各照例分別  
議處至二十名者將該佐領等及協領等并  
將軍副都統大臣均照例分別議處該管各  
官如有隱匿捏報及呈報遲延遺漏均照八  
旗家人逃走之例辦理

例載處分則  
例緝逃門

移住拉林阿勒楚喀人等脫逃

一拉林阿勒楚喀移住人等如有脫逃將該管  
專兼統轄各官均照駐防兵丁逃走例咨參  
分別議處

例載處分別  
創緝逃門

伊犁等處兵丁逃走

一伊犁等處兵丁或由半路或在駐防處逃走者俱在駐防處所枷號兩個月令其遊街示衆充當苦差十年無過該將軍具奏駁回該旗如再逃走卽行正法再由京移駐各省兵丁在起程之前逃走者責四十板上鎖發往伊犁披甲充當苦差如復逃走被獲時該將軍等卽奏明正法



新疆兵丁脫逃

一新疆地方凡由京發往之步甲及在該處曾經犯逃之兵丁復行逃走或係尋常兵丁逃走者將該管佐領防禦驍騎校並協領翼尉等官及將軍領隊大臣均照例分別議處

例載

處分則例  
緝逃門

藏匿逃犯

一負罪潛逃之犯容留之家除確係不知情者免其治罪其知情容隱笞杖罪犯者係官照例議處流徒以上罪犯者係官照例議處

罪

例載處分則  
例緝逃門

不准折贖無職人交刑部治

罪

一旗人藏匿逃犯該管官不知情失於覺察者如係隱匿笞杖罪犯將佐領驍騎校照例議處領催族長折鞭責隱匿流徒罪犯將佐領

驍騎校并叅領副叅領照例議處領催族長

折鞭責隱匿死罪人犯及關係要案人犯將

佐領驍騎校叅領副叅領并都統副都統均

照例分別議處領催族長折責

例載處分則  
例緝逃門

旗人藏匿逃犯該管各官明知徇隱不行拏

究者將該管各官亦按其係隱匿流罪以下

人犯或係隱匿死罪人犯及關係要案人犯

照例分別議處

例載處分則  
例緝逃門

領催族長分別

折鞭責以上族長係官均照佐領例處分

一旗人藏匿逃犯步軍營該汛各官不行查拏

者將步軍校照佐領例議處步軍協尉副尉

照叅領例議處

例載處分則  
例緝逃門

一外省駐防隱匿罪犯該佐領防禦驍騎校照

在京佐領例總管城守尉協領叅領防守尉

照在京叅領例將軍都統副都統照在京都

統例行

例載處分則  
例緝逃門

駐防窩逃

一旗下逃人在駐防旗員所管地方潛住在三  
月以內者免議如過三個月不行查拏別經  
發覺將失察之佐領防禦驍騎校并協領叅  
領照例議處如潛住半年以上及一年以上  
者將失察之佐領防禦驍騎校協領叅領并  
將軍都統副都統均照例分別議處倘該佐  
領防禦驍騎校明知逃人縱容潛住者亦照

例處分

例載處分則  
例輯逃門

一旗員所屬地方查解逃人十五名者將佐領防禦驍騎校加一級三十名者加二級協領叅領於所轄屬員查解逃人三十名者加一級六十名者加二級將軍都統副都統各按所屬旗員查解逃人二百名者紀錄一次四百名者加一級數多者照此遞增一年一次議敘若本年不敷議敘之數者准於次年接算議敘若仍不足者將前一年之功銷除止留一年之功於次年接算不准三年合算以

上俱令將軍都統副都統於歲底分晰造冊  
咨報刑部兵部查覈

冒認逃人

一旗員將良民冒認爲伊家逃人者照例議處

例載處分則  
例輯詳門



私拏逃人

一旗人逃走不許私自差人往拏准其在部控告行提或首告該地方官拏解如逃人之主私自往拏係官照例議處係平人照例鞭責

例載處分則  
例緝逃門

若私差家人往窩家取討衣物

亦照此例辦理

分賞爲奴罪人

一罪人妻孥分賞功臣之家爲奴者令其嚴加約束若陞往外任及駐防者卽隨帶同往不得留京任其閒居如有縱放生事者嚴行治罪仍將有無逃走之處令值年旗於歲底彙總奏

聞其分賞各省將軍大臣者本人於歲底彙奏一次

分賞駐防爲奴人犯

一分賞爲奴人犯除例應賞給功臣之家者照舊賞給外其發往駐防省城者俱分賞該處駐防官兵毋庸賞給將軍副都統

發遣爲奴重犯不准賞給兵丁

嘉慶十二年三月內奉

上諭據觀明等奏發遣黑龍江爲奴重犯張效元脫逃一摺張效元係安徽邪教案內免死遞解回籍尋復私逃因聞緝捕緊急自行投回改發黑龍江爲奴重犯該將軍等自應委派該處堪能管束之員給與爲奴俾其嚴加管束何得給與冰手范長明爲奴以致疎脫從前分派旣已錯謬迨脫逃後又僅將該犯年歲及原犯案由開單具奏並未將該犯面貌開明何

以通行各省嚴加緝捕耶觀明等著申飭仍將觀明  
斌靜交部察議該水師營總管章京等亦有失察之  
咎著交觀明等將失察之該管章京等職名查取送  
部議處再水手范長明於賞給爲奴重犯理宜留心  
管束妥爲防範今竟至脫逃其中恐有受賄故縱情  
弊著交觀明等嚴加研訊如范長明有受賄故縱情  
弊卽按律定擬具奏若無別項情弊係疎忽致令脫  
逃著將范長明革退水手照例責懲嗣後遇有此等  
發往該處爲奴重犯該將軍等務於本處章京官員

內擇其堪能管束之人給予爲奴令其妥爲防範嚴  
加管束斷不可分給水手兵丁等以致疎脫著將此  
由四百里發給觀明等遵照辦理外並著觀明等卽  
將該犯面貌開明由驛速行覆奏俟奏到時再降諭  
旨通交各省嚴行緝拏欽此

分賞王公爲奴教匪案內緣坐人犯逃走加  
重議處

嘉慶二十年十二月內奉

旨據值年旗彙奏賞給八旗王公大臣官員等爲奴人  
犯逃走數目一摺此項賞給人犯教匪案內緣坐者  
居多非尋常人犯可比該王公大臣官員等理宜時  
加嚴束使用勿致脫逃嗣後凡賞給爲奴教匪案內  
緣坐人犯倘有不安本分爲匪者卽行送部加重治  
罪如或逃走立即呈報該旗嚴緝外年終彙奏時將

逃走人犯之原犯情罪開單具奏此內如有敎匪案內緣坐之人將該失察之王公大臣官員交部加重議處若賞給爲奴尋常人犯逃走其失察之王公大臣官員著仍照舊例察議欽此



分賞王公大臣爲奴人犯逃走

一分賞王公大臣爲奴之重囚人犯逃走將家

主議處承緝官員勒限一年緝拏限滿不獲

照例覈議

例載處分則  
例緝逃門

逃犯照案緝拏如係

教匪案內緣坐人犯脫逃其家主及承緝官

員均照本例加等議處

甘肅回民犯事分賞爲奴脫逃

一甘肅犯事回民分賞在京官兵爲奴人犯脫  
逃家主係官議處係兵丁折鞭責步軍營承  
緝官員勒限一年緝拏限滿不獲照例覈議  
例載處分則逃犯照案緝拏  
例緝逃門

王公家人犯罪脫逃

王貝勒貝子公等辛者庫人有犯命盜重罪  
脫逃者將辦理包衣事務官員議處其該管  
主貝勒貝子公等交宗人府察議步軍營承  
緝官員勒限一年緝拏限滿不獲照例處分  
例載處分則逃犯照案緝拏  
例緝逃門

分賞爲奴人犯私相易主并滋事處分

一凡分賞爲奴回犯及軍營帶來回子俱令家主呈明本旗分別入冊如有轉賣他戶及分送親戚者亦令受主呈明入冊不得私相輾轉易主違者原主及受主均照例議處

例載處分

則刻戶口門

至賞給爲奴人犯知有在外行兇爲

匪等事將不行約束之家主分別輕重辦理

其該管各官俱免議

回民犯事發遣在配脫逃

一回民參賊肆竊遣給駐防兵丁爲奴之犯在配潛逃該將軍等卽行參奏嚴緝務獲如係一名單身脫逃及二名同日脫逃或同日脫逃至三名以上或脫逃至六名以上者專管佐領防禦驍騎校并兼轄協領均按計參限照例分別議處不行查察之將軍副都統俱於初參照例查議

例載處分則  
例緝逃門

如專兼各官

疎脫三名六名以上拏獲數名未能全獲仍

按其未獲名數分別議處

如二參限滿未獲  
在二名以上專管

官照二名同日脫逃二

參之例辦理餘倣此

發遣人犯逃走並逃後滋事

嘉慶二十年十月內奉

上諭近日發遣及遞籍人犯往往潛逃滋事或控訴原案屈抑或越分呈遞封章卽如已革吏目魏秀以職官褫革遞籍乃敢私行來京在提督衙門呈遞封口奏章冀圖翻控原案茲審明該革員所控各情全屬虛誣並無絲毫屈抑似此逞刁妄爲非從重問擬不足以示懲儆除魏秀照例枷責發邊遠充軍外嗣後軍流以下及遞籍各犯如有年限未滿未經釋放私

自逃回者應如何加等治罪其妄行控訴者再加一等呈遞封章者再從重加等著刑部分別詳議具奏其該管地方官及鄉保等漫無約束任令私自逃回或知情縱容亦應加重懲處著該部分別議奏欽此

一吉林黑龍江及新疆內外駐防各處發遣人犯該管大臣將每月收領若干脫逃若干未獲若干拏獲若干造冊送部至每歲十月該將軍大臣等將總數開明咨報軍機處刑部彙奏交部覈議若脫逃一名者家主係官者



處無職人折鞭責至二三名者計人數加罪  
一年內逃至五名者將佐領防禦驍騎校照  
例議處至十名者將佐領防禦驍騎校并協  
領照例議處至二十名三十名及四十名以  
上者將佐領防禦驍騎校協領并將軍副都  
統大臣均照例處分例載處分則以上領催  
均照驍騎校處分折責捕牲總管照協領例  
議處翼長照佐領例議處該將軍大臣按統  
轄地方逃人總數議處其副都統有專管地

方者按所管地方逃人數目議處係按翼分設者按該翼脫逃人數議處

一人犯脫逃家主在城內居住者限卽日呈報離城百里以內者限次日呈報百里以外者限三日內呈報該管官隨派本佐領下驍騎校帶領兵丁追緝如驍騎校出差卽派記名領催帶兵追緝仍一面將脫逃緣由呈報該上司報部查覈如家主已經呈報而該管佐領等不爲轉報以致遲延者將佐領防禦驍

騎校按其遲延月日分別議處

例載處分則  
例緝逃門

領催均照驍騎校處分折責如家主遲延不  
報係官照佐領例處分無職人照領催例折  
鞭責該管官免其議處若家主於限內呈報  
者免議其各省發往當差爲奴人犯脫逃亦  
照此例行

一人犯脫逃如於逃後有妄行控訴原案或越  
分呈遞封章者將家主并該管兼轄各官及  
不行查察之統轄大臣各照例議處其曾任

職官罪犯遣戍如有私自脫逃或脫逃後復有妄行控訴原案并有越分呈遞封章者將該管官及兼轄官并不行查察之統轄大臣均照例分別覈議如有知情縱容者將該管官叅革審擬兼轄各官如係自行查出詳報免議若並無覺察將兼統官分別同城不同城照例議處

例載處分則  
例緝逃門

發遣太監逃走

一發遣太監逃走將佐領防禦驍騎校協領將

軍副都統均按計一年內逃走名數多少照

例分別議處

例載處分則  
例緝逃門

以上領催均照驍

騎校處分分別折責均令該將軍於年底據

實彙報刑部兵部

發遣額魯特等犯逃走

一發遣額魯特俄羅斯等犯逃走該將軍等卽行叅奏飭屬嚴緝務獲家主係官議處係兵丁折鞭責該管兼轄各官並將將軍副都統均照例分別議處若將軍等不行叅奏嚴緝者亦照例覈議

例載處分則  
例緝逃門

嚴緝新疆逃遣年終彙奏

乾隆四十五年六月內奉

上諭伊勒圖等奏稱發遣伊犁人犯常福兒於四月初一日脫逃已行知伊犁所屬各卡倫臺站部落大臣等嚴行查拏等語此等發遣伊犁烏魯木齊爲奴人犯非尋常犯罪者可比俱係身罹重罪發遣極遠地方復不安靜肆行逃走一經拏獲應行卽時正法經朕曲加矜全改發伊犁烏魯木齊等處之犯自應安分悔罪茲復潛逃情殊可恨若不嚴緝務獲不能示

懲於衆也今常福兒脫逃雖經伊勒圖行知各該處  
但恐各地方官兵疎懈不以爲事並不上緊嚴拏其  
伊犁烏嚕木齊等處著交伊勒圖奎林等嚴飭速緝  
陝西甘肅等處著咨行該督撫嚴飭所屬實力嚴拏  
務獲不論在何地方拏獲卽在該處正法以示炯戒  
卽如軍營綠營兵丁內有脫逃者無論罪之輕重一  
經拏獲卽行正法是以立法從嚴匪徒究知畏懼此  
等發遣伊犁烏嚕木齊等處人犯旣已復逃若不嚴  
拏從重辦理可乎著將此通行曉諭嗣後如有似此



者務須上緊查拏倘不實力嚴緝一經別處拏獲究  
出將經過地方之官員俱行治罪外其各該管上司  
一并交部議處仍將此等在逃人犯共有若干拏獲  
正法者若干未經拏獲者尙有若干之處該大臣等  
於年終查明彙奏欽此

新疆改發駐防遣犯脫逃

一、新疆改發吉林黑龍江等處駐防遣犯脫逃該將軍等查明該犯原籍咨報兵部刑部行文原籍及直省各總督巡撫一體嚴拏務獲仍限百日緝拏限滿不獲將不能先事防範以致脫逃之專管兼轄各官均照例議處完結

例載處分則  
例緝逃門

其能自行拏獲者准其查銷

嚴緝新疆逃遣

乾隆五十一年五月內奉

上諭據奎林等奏稱拏獲脫逃李國興等三名照例辦理等語此項逃犯若非朕嚴加訓示豈能如此緝拏向來新疆發遣人犯一經脫逃該管大臣官員等留心查拏自不致違颺若不以爲事因循苟且又焉能緝獲伊犁地方爲日無幾卽經獲犯兩次此其明驗也將此通行曉諭新疆將軍大臣等嗣後脫逃遣犯務須一體嚴加查拏斷不可仍似從前塞責辦理欽

欽定中樞政考卷二十五

本

三

此

新疆失察逃犯經過潛匿處分

一伊犁等處盤獲逃犯究出經過地方未經查拏及地方內有藏匿負罪潛逃之犯別經發覺將失察之員并該管大臣各照例分別議處兵丁各照例分別鞭責

例載處分則  
例緝逃門

免死減等發往駐防當差遣犯私逃

一旗人罪擬斬絞遇

赦減等發往駐防當差遣犯該將軍等嚴飭屬員防

範管束如有脫逃將該管佐領防禦驍騎校

協領將軍副都統均照例分別議處

例載處分則例

緝逃門

遣犯逃走嚴行緝拏

乾隆五十五年二月內奉

上諭據那奇奏爲奴遣犯顧越卽蕭二元薛文二犯  
逃走伊親派官兵嚴查緝捕等語此輩均係重罪免  
死爲奴人犯該將軍等平日自應不時留心嚴加管  
束毋致脫逃卽有走失果能急速出派官兵將本境  
內隘口堵截嚴緝該犯等斷不致出境遠颺該將軍  
等平日疎懈並不嚴加管束逃走後又不能作速派  
員遍境嚴緝惟賴鄰境及原籍代爲緝拏因此三省

遣犯人等始有不時逃走之案除逃走爲奴遣犯顧  
越卽蕭二元薛文二犯交那奇泰等出派賢能官兵  
在本境內嚴搜緝拏外將此訓飭東三省將軍副都  
統等將此等人犯務須嚴加管束如有逃走者卽行  
出派官兵在境內追截嚴捕斷不可疎忽因循惟賴  
他處代爲緝拏欽此



送部發落人犯脫逃

一旗人犯罪經刑部擬定枷責因時逢熱審交  
該旗領回飭令該管官及親屬或族長看守  
俟秋後送部發落之犯不嚴行防範以致疎  
脫者係職官議處無職人鞭責該佐領驍騎  
校失於稽察或當送部發落之時並不慎派  
兵丁押解以致人犯中途脫逃者將佐領驍  
騎校各照例議處

例載處分則  
例緝逃門

發遣吉林黑龍江積匪猾賊脫逃

一發遣吉林黑龍江等處之積匪猾賊該將軍等嚴飭屬員防範管束如有脫逃一名者該將軍咨叅送部將該管佐領防禦驍騎校協領將軍副都統均照例分別議處

例載處分則例緝逃

門

看守枷號人犯脫逃

一京城內發交各城門看守之枷號人犯該管官弁防範不嚴以致乘間脫枷逃走者將城門領城門吏門千總均照例議處旋經自行拏獲者免議若兵丁受賄鬆枷致令乘間脫逃者將兵丁從重治罪失察之該管官各照例處分

例載處分則  
例緝逃門

至外省駐防各門枷

號人犯脫逃將看守旗員亦照此例辦理

失察逃番

嘉慶二年正月內奉

旨據策巴克奏稱因疎脫逃番請將防守之扎薩克台吉車凌多爾濟交部議處其官員兵丁等分別定擬治罪等語此等番子安放卡倫之外自應專派官員兵丁嚴加稽察何遽致脫逸青海之蒙古等率多懦怯今將此等逃番致使脫逸殊屬怠玩之至該管卡倫之扎薩克台吉車凌多爾濟若僅交部嚴加議處尙不足以示儆車凌多爾濟著卽革去扎薩克台吉

以爲庸懦蒙古等之戒其驍騎校畢里克圖係特派  
看守之員若僅革去驍騎校枷號兩個月鞭一百完  
結亦不足以示儆畢里克圖著革去驍騎校枷號兩  
個月發往廣東交該將軍等驅使如此加重辦理嗣  
後庸懦蒙古等自必畏懼於一切巡警防守之處尙  
可望其留心餘著照所請外策巴克係總理青海事  
務之員遇此等事件卽當嚴行辦理以示懲戒乃如  
此姑息從輕辦理不得僅予交部查議策巴克著交  
部嚴加議處欽此

軍流等犯潛回原籍不行查拏

一奉天等處所屬旗界地方居民人等因犯事  
發配他省由配所潛逃回籍者該旗界官不

行查拏照例議處

例載處分則  
例緝逃門

八旗察哈爾客留無票民人

一察哈爾八旗牧廠蘇魯克等處如有無票民人潛居者客留之人及知情不首之鄰居係官照例議處兵丁蒙古人等各照例鞭責值守巡察官兵出具並無客留無票民人甘結經都統等鈐印報部後別經發覺將結報不實之員並加結轉報之各該總管分別議處兵丁照例鞭責

例載處分則  
例緝迷門

自行查出拏獲

者免議

步軍校等獲逃議敘

一步軍校一年內拏獲逃人六十名者加一級  
步軍協尉督率步軍校拏獲逃人一百二十  
名者加一級步軍翼尉督率所管四旗步軍  
校拏獲逃人四百八十名者加一級步軍統  
領總兵督率八旗步軍校及番役拏獲逃人  
九百六十名者加一級比此數多者照數遞  
加



伊犁官員失察逃犯議處拏獲議敘

一伊犁步軍協尉等官總計一年內拏獲賊匪

逃犯至五次者紀錄一次若不能拏獲以致

逃走按計名數照例分別議處

例載處分別  
例緝逃門

一伊犁卡倫臺站官員拏獲逃犯一名者紀錄

一次兵丁由房租銀內酌量給賞若有逃犯

經由被別處拏獲審明將該處失察之卡倫

臺站官員叅奏按其失察名數照例分別議

處

例載處分別  
例緝逃門

兵丁責懲

新疆爲奴人犯一年並無逃走官員議敘

一 新疆發遣爲奴人犯一年內並無逃走及行竊事件雖有脫逃卽行拏獲者該管官員紀錄二次

拏獲鄰境逃遣人犯

一武職各官拏獲鄰境脫逃尋常遣犯每一名  
紀錄二次例應正法之遣犯每一名准其加  
一級

拏獲軍流徒犯議敘

一步軍協尉副尉步軍校拏獲在逃單身軍流  
人犯者每一名紀錄二次攜帶妻子者全獲  
一起紀錄二次拏獲在逃徒犯者每一名紀  
錄一次統俟歲底該步軍統領彙繕清單送  
部查辦